

hoha i ngoikore ranei, tae noa ki tona hikitanga ki Heretaunga i runga tonu ona whakaaro i te kechi o nga moana—Kua u ra ki uta, no reira e tika tenei tangata ki a nui te nihi a kia whiwhi ano hoki i tetahi o te Rokiroki a tona kuia a Whakaotirangi.

Tera atu te roanga,

RAIMONA HERETAUNGA.

Whakarewarewa.

Hune 27, 1926.

WHANGANUI ME TE ARAWA.

KO nga maori i karangatia hei awbina i nga mahi o te ekepihana no Whanganui no Te Arawa. Nui atu te pai o a ratou mahi ngahau, me te ki tonu o te "concert chamber" i nga wa katoa e tu ana a ratou mahi i ki nga nupepa: "kaore ano he mahi ki Akarana i penei rawa te atahua te pai i mua atu."

Kia ora a Whanganui. Tenei kei te nihi tonu te ngakau ki te koutou pai me te koutou whakaaro nui ki a tatou mahi.

Kia ora hoki nga kai-whakahaere o te Ekepihana me te pai o ta koutou manaaki i te ropu maori. Tenei kei te nihi tonu to matou ropu ki te komiti whakahaere o te ekepihana ki nga kai-whakaako o W'kitoria kura o Tupene, a ko te nihi nui rawa ki a Rev. Coats (te Kai-whakahaere o te ekepihana) me tona hoa wahine. Kia ora tonu korua mo ta korua manaaki pai i nga tamariki o te iwi maori, e kore hoki ratou e warware ki a korua.

HUI A TE HAHU KI MOHAKA.

He karanga tenei i nga mema o te Hinota Takiwa o te Atirikonatanga o Haki Pei, ki a hui atu ki Mohaka a te Hatarei te 18 o nga ra o Hepetema nei.

W. W. WAIAPU.

Perehitini.

TE TOA TAKITINI.

KUA hikitia mai te perehitanga o ta tatou pepa ki te tari perehi o te "Hawke's Bay Herald" i Nepia. Erua nga take i hikitia mai ai:—1. Kia tata atu ai ki te Tari o te tatou Pihopatanga, ki te wahi i takoto ai te pukapuka rehita o Te Toa Takitini. 2. He ngawari rawa te utu mo te perehitanga ki Nepia. Neke atu i te rima tekau pauna i te tau te ngawaritanga iho o te utu.

I runga i te ahua tauhou o nga kai-perehi ki te reo Maori, tera e ahua rahi tonu nga reta e takoto he o tenei perehitanga. Otira kei te muri i tenei ka takoto pai tonu a tatou korero.